

21.02.2022թ

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 456096/07

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով 21.02.2022թ թիվ 4433 վարչական իրավախախտման վերաբերյալ գործը,

ՊԱՐԶԵՑԻ

Համաձայն ՀՀ Հարկային օրենսգրքի 156-րդ հոդվածի՝ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅԱՆ «ՀՐԱԶԴԱՆԻ ՀՈՎՍԵՓ ՕՐԲԵԼՈՒ ԱՆՎԱՆ ԹԻՎ 13 ԱՎԱԳ ԴՊՐՈՑ» (ՀՎՀՀ՝ 03007212" ք Հրազդան Կենտրոն 49) ՊՈԱԿ-ի տնօրեն Սոնյա Մարկոսյանը սահմանված 13 ԱՎԱԳ ԴՊՐՈՑ» (ՀՎՀՀ՝ 03007212" ք Հրազդան Կենտրոն 49) ՊՈԱԿ-ի տնօրեն Սոնյա Մարկոսյանը սահմանված ժամկետում չի ներկայացրել 2021 թվականի նոյեմբեր ամսվա եկամտային հարկի հաշվարկը, որի համար նախատեսվում է պատասխանատվություն վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Կողմին հայտնաբերելու նպատակով ձեռնարկվել են համապատասխան միջոցներ: Արդյունքում կողմը ներկայացրել է դիմում առ այն, որ ծրագրային խնդիրների պատճառով հաշվարկը ներկայացվել է ուշ, այնինչ պետք ներկայացվեր 20.12.2021թ: Նշել է նաև, որ հաշվապահը հաշվետվությունը ներբեռնել է և սեղմել է հանձնելու կոճակը և երկար ժամանակ անցնելուց հետո չի ուղարկվել, այլ մնացել է լրացված հաշվետվությունների բաժնում: Միաժամանակ կողմը չի ներկայացրել վերոնշյալ հավաստող ապացույց:

Համաձայն ՀՀ հարկային օրենսգրքի 33-րդ հոդվածի՝ հարկ վճարողը (հարկային գործակալը) և դրա պաշտոնատար անձը պարտավոր է Օրենսգրքով և վճարների վերաբերյալ Հայաստանի Հանրապետության օրենքներով սահմանված կարգով և ժամկետներում հարկային մարմին ներկայացնել հարկային հաշվարկները:

Նույն օրենսգրքի 156-րդ հոդվածի համաձայն՝ հարկային գործակալները մինչև յուրաքանչյուր ամսվա հաջորդող ամսվա 20-ը ներառյալ Օրենսգրքի 53-րդ հոդվածով սահմանված կարգով հարկային մարմին են ներկայացնում եկամտային հարկի հաշվարկ:

Ուսումնասիրելով ՊԵԿ տեղեկատվական համակարգում առկա տվյալները պարզ է դարձել, որ Սոնյա Մարկոսյանի կողմից 2021 թվականի նոյեմբեր ամսվա եկամտային հարկի հաշվարկը ներկայացվել է օրենսդրությամբ սահմանված ժամկետից ուշ՝ 23.12.2021թ:

Ելնելով վերոգրյալից և նկատի ունենալով, որ կողմի ներկայացված փաստը վարչական պատասխանատվությունից ազատելու հիմք չի հանդիսանում, սակայն հաշվի առնելով այն, որ Սոնյա Մարկոսյանը մեկ տարվա ընթացքում չի կատարել իրավախախտում, որը սույն գործով դիտվում է պատասխանատվությունը մեղմացնող հանգամանք, ուստի ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33-րդ, 244², 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

ՈՐՈՇԵՑԻ

Համաձայն վարչական իրավախախտումների վերաբերյալ ՀՀ օրենսգրքի 169 հոդվածի 2-րդ մասի՝ Սոնյա Մարկոսյանի նկատմամբ կիրառել վարչական տույժ՝ նշանակել տուգանք 10 000 (տասն հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու դեպքում նշանակվել էր վարչական տույժ (հոդված 40)՝ վարչական իրավախախտման վերաբերյալ գործի որոշման դեմ գանգատը կարող է տրվել որոշումն հանձնելու օրվանից հետո երեսույթ օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (մեկ օրըստ օրվա) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: Իրավախախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին. 900005240487 վճարման անդորրագրի <<նպատակ>> դաշտում պարտադիր նշելով որոշման համարը: Տուգանքը ընշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով: